








ME CHAPELET.

DISKAN :






Be-tag me zre-mén de-ùé - añ.



Me cha-pe - let, men de-vo - sioñ A vlé-ieu



ke-tañ mem bu - hé, Hui e hré ol me re - li -



jioñ Ha men dou-sañ pé-den de Zoué.

Me chapelet, guerzen en él,
Dégaset d'emb a lein en éañ,
A berh Doué, en Tad éternél,
Hui e hré me hañen gèrañ.

Me chapelet oé m'overen,
Pe ne helen ket hoah kèrhèt,
Étal me mam, doh hé barlen,
Get hi em boé eañ bet disket.

Me chapelet oé me sulieu,
Get hou, é kourz, é tiforhen
En hobérad doh er gouillieu;
Rag sul ha gouil en el laren.

Me chapelet, èl ma vrasen,
E hré ataù me leuiné,
Ha get hou ataù é kaven,
Doh el laret, grèseu neué.

Me chapelet, riolen sklér,
En deur a fetañ er vuhé,
Ridet ar-n-ein, ridet a hêr,
Ridet bet en éternité.

Me chapelet, guir gouronen,
Get *Ave* en él nahenet,
Peb *Ave* e hré ur rozen,
Ar ben er Huerhiéz beniget.

Me chapelet, goalen roial,
É dorn Rouañéz er rouañézed,
Hui e bèlé doh ein er fal
Ha hui em laké én hent dret.

Me chapelet, goleuen dé,
Hui e ré d'ein er guir splandér,
D'hanaüet Mari èl Mam Doué
Ha Jézus hé Mab èl Salvér.

Me chapelet, kogusen glañ,
Hui e guhé brasted Mari,
Eit mem bé kredet me unañ
Hi selet ha tostat dehi.

Me chapelet, stiren er mor,
Hui e gasé, dré er rehér,
Mem bag de dural en éor
Ér porh, ér méz ag en dañér.

Me chapelet, a p'en dalhañ,
Hañval get-n-ein, Guerhiéz sañtél,
É on genoh, én hou kuélañ
Doh em groñein get hou mañtel.

Me chapelet, m'hou koarnou mad,
Ha m'hou tougou ar-n-ein bamdé;
Me stèrdou ém dorn er grañad,
Get fé, espérans, karañté.

Me chapelet, èl ur gerlen,
Doh men goug, de noz, ém gulé,
Em lakou de gouskèt aben,
Èl ar zivréh Mari, Mam Doué.

Me chapelet, a pe varüein,
Étré mem bizied skornet,
É karehen hou liamein,
Eit hou toug d'em divèz gouivet.

Me chapelet, mériuel genoh,
Genoh dischen é sol er bé,
Petra eit on koñfortusoh
Mar conzet eit on dirag Doué.

Me chapelet, avèl ur hrouiz,
Én dro d'hou troñ, Guerhiéz Vari,
E larou d'oh, ér baraouiz :
Gloér, trugèré ha mélodi.

J. D. s. j.

Imprimatur :

JÉGOUZO, *Vik. jén.*
